

## فريق التفريغ بموقع الطريق إلى الله

يقدم

من سلسلة "هنا اسم السلسلة"

هنا عنوان الدرس

(باللهجة المصرية)

لفضيلة الشيخ: هنا اسم الشيخ

رابط المادة: al rabet



السلام عليكم ورحمة الله وبركاته الحمد لله وكفي وصلاة وسلام علي عباده الذين اصطفى اللهم لك الحمد كله ولك الملك كله واليك يرجع الامر كله اللهم صل على نبينا محمد في الأولين والآخرين وفي كل وقت وحين اما بعد **"والذين جاهدوا فينا"** الحلقة الاخير في التدبرات في سورة العنكبوت في سنة اولي التزام وسط نار الفتنة والمحن **"والذين جاهدوا فينا لنهدينهم سبلنا وان الله لمع المحسنين"** دي آخر آيه في السوره اللي هنقف معاها باذن الله تعالى الآيه دي بتكلم مين؟ التساقط الرهيب طول السوره قدام الفتنة تخيلي انك ماشيه في طريق وفجاءه سمعتي صوت صريخ وكل الناس بتجري وبتبصي حوالكي لقيتي كله مشي وانتي لوحدهك هتحمسي بفزع قد آيه هتترعبي قد آيه هو دا المشهد الاخير بتاع آخر آيه مشهد الناس فجاءه كلها بتجري بتهرب من طريق ربنا محدش عايز يكمل في الطريق دا بسبب خوف علي رزقه ودي بسبب حرب اهلها عليها ودا بسبب تريقة صحابه ودا خايف علي وضعه وصورته ودا وقع في الاحلام الدنيويه وده وده وده منظر رهيب يا جماعه منظر الكل بيجري وببسيب الطريق وفي وسط المنظر في ناس مصممه في ناس بتزحف زحف ومش في طريق جميل لا دا في طريق فيه الف فتنه والف عائق والف حريق وناس بتصرخ فيهم وهما بيجروا في الطريق انتو بتعملوا ورايحين فين مضيعوش نفسكووا اللي هيصم على الطريق ده مش هيدوق لذه ولا هيدوق متعه في الحياه دي حياه كلها تهديدات وضغوط وفي وسط دا كله في ناس ضحت بكل حاجه وعادت أقرب ناس من اهلهم عشان مش بيعينوهم على الطريق ضحوا بأغلي حاجه وبكل حاجه عشان يتمسكووا بالطريق ده عشان واثقين ان ربنا مهيسبهمش يتزهوا ولا يسيبهم خايفين ومترددين فيجي نداء من السماء يقول للصامدين دول **"والذين جاهدوا فينا لنهدينهم سبلنا"** خسرت انتيمك خسرت حد لكن كسبت الله من وجد الله فمادا خسر متخافوش متتأثروش من اللي بيهددوا فيكووا أنا مش هضيع التضحيات الرهيبه اللي بذلتوها في الطريق ده أنا مش هضيع الجهد الرهيب اللي بذلتوه عشان توصلولي أنا مش هضيع عمروكووا وشبابكووا اللي ضيعتوه عشان ترضوني أنا معاكو أنتوا أعلى الخلق ف الكون أنتوا اللي بياهي بيكووا الملايكة من فوق السبع سموات أوعو تبعدوا عن الطريق ده أو شئ يجرفكووا بعيد زي اللي اتجرفوا عن الطريق ده **"والذين جاهدوا فينا لنهدينهم سبلنا"** معني مهول أوي ربنا بيكلم الصامدين الثابتين اللي قدامهم أبواب مقفوله طب يارب أنا عايز أوصلك أنا الابواب قدامي مقفوله أنا خسرت كل حد بس انت كسبت طريق ربنا بس أنتي فوزت بربنا يبقى كدا خسرت آيه الآيه دي بتتكلم عن القاعده العظمي للوصول الي الله **الذين**: الفئه العظمي عند الله **جاهدوا**: المعركة العظمي **فينا**: المقصد الاعظم **لنهدينهم سبلنا**: البشري العظمي **وان الله لمع المحسنين**: العزاء الاعظم ربنا يكلم أعظم الخلق طيب استخدم صيغة الجماعه ليه عشان محدش هيقدر يوصل لربنا لوحده عشان كدا ربنا بيقول في سورة الكهف **"واصبر نفسك مع الذين يدعون ربهم"** ياربي يعني لازم جماعه؟ لازم جماعه لازم صحبه صالحه عشان تقدري توصلي لربنا عشان كدا في اخر آيه ربنا قال **"ولا تطع من اغفلنا قلبه"** لما اتكلم عن الصحبه الصالحه اتكلم عن جماعه لكن صحبه السوء اتكلم بالمفرد صاحب سوء واحد يضيعك عشان كدا سيدنا موسي بيقول ليوشع **"لا ابرح حتي ابلغ"** فالمفسرين قالوا موسي خد قرار فردي بيقوله ليوشع ليه فقالوا ان لازم تشد ازر الصحبه اللي

معك عشان الصحبه اللي معاك على الطريق بتاثر في عزيمتك هنسخن بعض عشان كدا ربنا مش قال جاهدوا في ايه طب جاهدوا ف ايه يارب ؟ جاهدوا في الصلاه جاهدوا في التدبر جاهدوا في القرآن جاهدوا في الاخلاق عشان يصلحوا أنفسهم اللي مليئه بالأمراض وجاهدوا قلوبهم اللي مليئه بالشهوات وجاهدوا المجتمع اللي بيبيعدهم عن ربنا وجاهدوا عشان يطلبوا علم ويتربوا ويغيروا واقع احنا في مكه دلوقت يا شباب احنا مش في المدينه المفسرين تعجبوا من هذه الكلمه هو ربنا بيقول جاهدوا واحنا في مكه ازاي هو مكه فيها جهاد قالك هناخد دلوقت المعاني المهوله لكلمة جاهدوا جاهدوا ف ايه يارب في كل حاجه فينا المقصد الاعظم ياما ناس تعبت عشان اكله عشان منصب عشان دنيا فانيه وفي النهايه كل حاجه ضاعت مبقاش حاجه ليها قيمه لنهدينهم سبلنا ربنا بيقولك ههديك مش هسيبك كنت بقرأ الآيه دي لوحدي زمان وأنا طالب وأنا قاعد لوحدي في مكان وابكي واقول يارب افتحلي طريق واحد أوصلك منه طب يارب الآيه بتقول سبلنا أنا عايز سبيل واحد وربنا فتح للواحد طرق مبقاش عارف يمشي في آيه ويسيب آيه ربنا هيفتح عليك لنهدينهم سبلنا ياللي خسرتي الصحبه والدنيا عشاني ياللي خسرتوا معية الناس عشاني انتو خسرتوا البشر وكسبتوا معية الله يلا ندخل في شرح الآيه اللي بتتكلم في القاعده العظمي في الوصول الي الله **"والذين جاهدوا"** جاهدوا دا لفظ عجيب احنا دلوقت في مكه مش المدينه الجهاد دا حياه أو موت يعني وصولك لربنا المفروض يكون قضية حياه أو موت مش تقعد تفكر اكلت ايه ولا لبست ايه ولا الاكل ساقع ولا سخن اللي بيقاقل دا بيقاقل عشان ميموتش مينفعش ينام مينفعش يرتاح هو دا واقع سورة العنكبوت زي الواقع الرهيب اللي احنا عايشين فيه دلوقت لازم نكون في قمة اليقظه مسأله وصولك لربنا حياه أو موت المعاني بتاعتها ايه يعني محدش قادر يقول ان معني جاهدوا قتال بالسيف وبس الكل قاعد يدور عن معني الجهاد احد المفسرين بيقول ان القول الأول ان من جاهد فيما يعلم رزقه الله علم ما لا يعلم معني جميل أوي انك تعرفي ايه اللي يرضي ربنا منك دلوقتي أنت لو هتموت عارف ان ملك الموت نازل كمان نص ساعه يقينا هتعمل الحاجه اللي انت عارف انها هترضي ربنا مش لسه هتروح تطلب علم وتشوف ايه اللي يرضي ربنا شوف اللي يرضي ربنا دلوقتي اعمله لو انتي عملتي اللي انتي عارفه هيرضي ربنا هيرزقك علم اللي انتي لا تعلميه معني خطير أوي قاله ابو سليمان الدرابي معني جميل أوي يا جماعه معني بيفكرني بعبد الله ابن ابي سلام لما قعد مع الصحابه في المسجد لما بيقول لو علمنا احب الاعمال الي الله لعملناه فنزل قول الله تعالي للرسول **"أيها الذين امنوا لما تقولون ما لا تفعلون \* كبر مقتا عند الله ان تقولوا ما لا تفعلوه"** حاجه عجيبه عبد الله بن سلام واللى معاه اترهلوا يارب دا احنا عايزين نعرف احب حاجه ليك أو عوا دينكوا يبقي كلام واحلام واماني ويقف عند الشريط اللي بتسمعه أو انك تدخل مسجد تسمع درس فتبكي فيقولولك الف مبروك بقيت ملتزم لان انت كدا صحيت من النوم لسه في خطوات وتطبيق أوعي الدين يبقي دموع واماني واحلام الدين عمل تبقي مصيبه لو افرغت شحنه الملتزمين من احلام ودموع ومتفرغتش في العمل

**المعني الأول** لازم نسمع ولازم نطبق

**المعني الثاني** لازم نجاهد في طلب العلم لازم نتعلم دينك

**المعني الثالث** نجاهد في طلب الوصول الي الله أوصلك ازاي يارب زي الطواف كدا

**المعني الرابع** جاهدوا في طلب رضا الله حياتك كلها بدور ترضي ربنا ازاي تصحي من النوم تسال

نفسك ارضيك ازاي يارب الدرس خلص ارضي ربنا بعده ازاي صحيت بالليل ارضي ربنا ازاي

دخلت اي مكان ارضي ربنا فيه ازاي حلم رضا الله هو سر السعاده في الحياه وسر النشاط

والحيويه ان الانسان يبقي كل هدفه ازاي ارضيك يارب

**المعني الخامس** الجهاد في العباده في القيام وأورادهم

**المعني السادس** مجاهدة النفس وهو اعظم انواع المجاهده ومعالجة المشاكل النفسيه وحب الظهور

والسيطره والمركز

**المعنى السابع** ان الوصول لربنا مش سهل الجهاد في الدين مش زي الدنيا " **يا أيها الانسان انك كادح** " لازم نتربي محدش هيبقي داعيه ولا حد هيوصل لربنا والمقامات العليا والخشوع في الصلاه وقيام الليل الا اللي هيتعبوا وطدوا نفسكوا انكو هتتعبوا معاني كثير أوي أنا بجمعها بيني وبين نفسي في كلمة التربيه التربيه يعني جهاد لازم نتربي ملتزمين كثير أوي وناس بتحب ربنا كثير أوي قاعدين على النت دلوقت مش شاغلين نفسهم بقضية الجهاد مش عارفين ان الدين فيه تعب مش عايزين الدين اللي فيه تعب وهيجي علي طموحتنا الدنيويه وهيغير ترتيب حياتنا مش عايزين الدين اللي فيه معاناه وهيغير مصير دنيتي احنا عايزين الدين اللي هيبقي ملمح من ملامح الحياه انما الدين اللي هيبقي هو الأول والاخر في حياتي لا تخيلوا كدا اللفظ العجيب ده " **جاهدوا** " ان التربيه جهاد انك تطلب تتربي وتطلب الثبات في الزمن ده عشان كدا في آيه والذين جاهدوا في الهجره لنهدينهم في سيل الثبات حتي الممات هنتبثهم لحد ما يموتوا يعني التربيه والثبات علي الدعوه في نفس الواقع الرهيب دا مسأله حياه أو موت ان احنا نتبني ونرتبط بالقرآن دي مسأله حياه أو موت " **والذين جاهدوا فينا لنهدينهم سبلنا** " جاهدوا دي مش مرحله أو عوا تفكروا ان جاهدوا دي مرحله في بداية الالتزام جاهدوا دي رحله عمر ونقطه خطيره جدا في وقت من الأوقات خلت الواحد يسبب كثير من الدروس بل يسبب الدنيا ايه دا هو الواحد عايز أوصلك يارب واخيرا الواحد استعمل في الدعوه خلاص اخيرا الواحد كدا بقي باشا وظيفته يقول دا حرام ودا حلال واعمل ومتعلمش وجاهدي ومتجاهديش وهو قاعد بيأنتخ في حياته ! لا يا جماعه والذين جاهدوا دي وظيفة عمر لنهدينهم لو اردت ان ربنا يفتح عليك بهدايات طول حياتك لازم تجاهد طول حياتك لازم طول عمرك تفضل بمشاعر بداية الالتزام مجاهد تريد ان تصل الي الله فين المعاني دي مين اللي لسه بيجاهد عشان يخشع في الصلاه مين اللي لسه بتجاهد وبتبكي لما ورد قيام الليل بيروح عليها مين لسه بيجاهد وبيسال ازاى احس بالقرآن مين لسه بيبكي وهو بيسمع القرآن مين اللي بيجاهد ويسمع دروس ايمانيه قرانيه مين بيجاهد في التدبر وبيروح المقابر وبيبكي عشان قلبه مين اللي لسه بيجاهد عشان دينه مين مشغول بقضية بناءه وتربيته ووصوله الي الله سبحانه وتعالى " **والذين جاهدوا فينا لنهدينهم سبلنا** " اللي مش بيجاهد دا انسان ميت اتنين طلبه اتقابلوا مع بعض الاتنين شباب واحد بيقول للتاني أنا طافح الدم محاضرات من الساعه 8 ويركب مواصلات من 7 وبصحي من 6 والمحاضرات للمغرب وبرجع اذاكر الدروس أنا طافح الدم التاني قاله وانت ليه عامل في نفسك كدا دا أنا باشا دا أنا بصحي الظهر أو العصر كمان وبصحي اتغدي واكل وانزل اروح الجيم واتفسح فالأولاني تعبان بس تعب الاحياء والتاني مرتاح بس راحة الاموات اللي مش بيجاهد دا انسان ميت اللي مش مشغول بترقية دينه دا مش بني آدم اصلا دا انسان ميت دا انسان متوقف مفيش في طريق ربنا وقوف يا طالع يا نازل اللي مبيجاهدش عشان يطلع انسان دينه في النازل والعياذ بالله

انسان عمره قاعد يتسحب منه وهو مش داري المجاهده يا اخوانا ثمارها مهوله " **والذين جاهدوا** " ان انتي تجاهدي انك تختاري الطريق الصعب انك تختاري تزحفي لربنا انك تختار انك تمشي في الطريق اللي كله فتن وكله حرايق

وكله تحذيرات من الناس الغافله انتو ايه اللي مصبركوا علي طريق بالصعوبه دي ان انتو تختاروا ان انتو تكملوا في الطريق والكل بيهرب وبيجري منه فتوحات مهوله قعدت أدور في القرآن كدا واقول يارب انت عايزني اجاهد في ايه يارب؟ تجاهد في التدبر طب اللي تدبر يارب عملتله ايه طب نروح المقابر طب اللي راح المقابر في القرآن عملتله ايه طب اكيد ربنا في القرآن قايل لنا كل حاجه طب المقابر فرقت في حياته ايه يارب انت عايز أننا ننزل جولات ونكلم الشباب في الشوارع والقهاوي طب يارب اللي نزل جولات في القرآن انت ادبته ايه؟ طب يارب انت عايز أننا نغتم مواسم العباده رمضان والعشره من ذي الحجه طب يارب اللي استثمر رمضان والعشره في القرآن رفعته قد ايه؟ يا اخوانا نعم أجر المجاهدين الآيه اللي بتزلزل قلبي قول الله " **نرفع درجات** " بعد

قول سيدنا ابراهيم في سورة الانعام وهو مبينمش مبياكلش قاعد يبص للكواكب للقمر للشمس وبعد كدا ينزل لقومه عشان يوصلهم المعاني المهوله اللي وصل اليها ربنا قال بعدها نرفع درجات درجات نكره للتعظيم يعني ربنا لما بيرفع بيرفع زي ما كان أمهاتنا زمان بيقولوا ربنا يرحم اللي مات من أمهاتنا ويرزقنا بر اللي موجودين كانوا بيقولوا ربنا يرفعك رفعه يابني تستعجب الناس فيها وتستعجب الخلاق فيها ان نرفع درجات لما ربنا بيرفع الكل بيتعجب ربنا سبحانه وتعالى بسبب المجاهده بيرفع ربنا بعد مجاهده ابراهيم قال المجاهده بترفع قد ايه وبترفع درجات عند ربنا قد ايه اللي بيجاهد ف التدبر بتديله ايه يا جماعه لما بصيت في سورة الحجر وربنا بيقول **"أيها الناس ان كنتم في ريب"** ريب يعني شك الناس مش مصدقه بتقرا القرآن ومش مصدقين عن الآخره الشيخ قاعد يتكلم والشاب قاعد ساند ضهره علي الحيطه في المسجد وقاعد يقول هو الكلام ده ايه هو بجد الكلام ده ولا مش بجد ياعم ايه اللي انتو عمالين تقولو وعذاب قبر وقيامه وصراط يا عم أنا مش مصدق الكلام ده ربنا بيقول ان كنتم في ريب من البعث تعالوا تدبروا في الخلق **"فأنا خلقتاكم من تراب ثم من نطفه ثم من علقه"** تعالوا بصوا ثم في الارحام اجنه **"وتري الارض هامده فاذا انزلنا عليها الماء اهتزت وربت"** تعالوا تدبروا في النبات بعد التدبر ربنا قال ايه **"ذلك بان الله هو الحق"** ان تفيد اليقين **"وانه يحيي الموتى"** **"وانه علي كل شئ قدير"** **"وان الساعه اتيه لا ريب فيها"** **"وان الله يبعث من في القبور"** ان ان ان بعد التدبر في الخلق قبل التدبر في ريب شاكك بعد التدبر يقين راسخ يبقي اللي بيجاهد في التدبر بيوصل لليقيني سورة النبا **"الذي هم فيه مختلفون"** ناس مختلفه **"عم يتسالون"** ناس مش فاهمه **"الم نجعل الارض مهادا"** لما جه مجاهده في التدبر بعدها ربنا قال **"ان يوم الفصل كان ميقاتا"** **"ان جهنم كانت مرصادا"** **"ان للمتقين مفازا"** يبقي اللي هيجاهد في التدبر هيوصل لليقين طب اللي هيجاهد في المقابر يارب؟ ربنا قال **"الهالك التكاثر"** ربنا قال قبلها في القارعه **"كالعهن المنفوش"** ناس يا جماعه عامله زي غصن الشجره المنخور العهن في بعض الاقوال هو غصن الشجره المنخور من جوه وسليم من بره منظر ع الفاضي في ناس منفوشه منظر على الفاضي ناس عايشه حياتها تافهه أهتامتها تافهه أهدافها تافهه فربنا قال **"الهالك التكاثر حتي زرتم المقابر"** يبقي المقابر جابت اليقظه في حياتنا المقابر حولت الشاب التافه والبنت اللي مش في حياتها غير البادي كير الي انسانه صاحبة رساله وصاحبة هدف في الحياه طب الجولات يارب اللي هيشغل في الدعوه الي الله؟ **"كنتم خير امة اخرجت للناس تأمرون بالمعروف وتنهون عن المنكر وتؤمنون بالله"** الايمان جه بعد الدعوه والامر بالمعروف ليه؟ لان هي اللي بتجيب الايمان طب اللي هيجاهد في المواسم رمضان والعشره من ذي الحجه؟

لما ربنا قال **"شهر رمضان الذي انزل فيه القرآن"** بعدها ربنا قال **"واذا سالك عبادي عني فاني قريب"** ايه الصله الخاصه بين العبد وبين الله يبقي رمضان اللي استثمره وصل للصله الخاصه مع الله ارتقي في علاقته بربنا طب عشر ذي الحجه؟ لما اتكلم عنها ربنا قال ايه **"ويذكروا اسم الله في ايام معلومات علي ما رزقهم من بهيمة الانعام فكلوا منها"** ربنا بيتكلم علي ناس هيذكروا ربنا في العشر من ذي الحجه فقال فكلوا منها فكلوا دي خطاب مباشر فالمفسرين وقفوا قدامها قالوا ايه اللي حصل عشان الآيه تبقي خطاب مباشر ياجماعه عشر ذي الحجه اللي استثمرها وذكر ربنا فيها بقي أهل للخلوه مع الله بقي أهل للمناجاه مع الله بقي أهل للخطاب المباشر والخصوصيه عند الله من سائر الخلق الاخوه اللي هيستحمل اخوه؟ الخضر وموسي لما قعدوا يتكلموا ويتفقوا وهل اتبعك علي ان وانك لن تستطع لما قعدوا يتفقوا مع بعض ربنا قال فانطلقا يبقي المجاهده في الاخوه بتجيب الانطلاق المجاهده في التدبر والمقابر والجولات..المجاهده ف القرآن وصلت لآيه؟؟؟ **"بأيدي سفره كرام برره"** المجاهده انك تبقي زي الملايكه..ماشى على الأرض وانت عامل زي السفره الكرام البرره اللي في السماوات العلا يبقي نعم أجر المجاهدين..بتعجب لما الاقي أخ مبيصلش الفجر بقاله شهر!! أخ مصلاش قيام ليل بقاله شهر!! ياخواننا دي مصيبه النبي بيقول:

ولا تجعل مصيبتنا في ديننا .. لو واحد قعد لمراته ف البيت 3 شهور مبيشتغلشي هيتكسف من نفسه هيتكسف هيقلك عاوز الأرض تتشق وتبلعني.. يعني احنا الشغل مع المخلوق منقدرش نصبر عنه ..طيب الشغل مع الله ؟ ازاي واحد مابيشتغلش في الدعوه ومش حاسس ان هوا ف مصيبه؟! لما الواحد يبشوف المسلمين بيحتفلوا بالمولد النبوي مثلا..أو مثلا بالهجره! انتو جاي لكو عين تحتفلوا بالهجره؟! ..انتو عارفين؟؟ تحس بايه والمسلمين بيحتفلوا بالهجره؟؟ زي ابن فاشل وترفد وسقط واترهد من التعليم خالص وابوه كان الأول على الكليه مثلا واتعين في الجامعه ..فكل سنه في معاد تعيين أبوه في الجامعه احتفال ان أبوه اتعين في الجامعه .انت بتتباهي بأيه؟ انت ميين؟؟ ياعم انت سقطت وترفدت وطرردوك وقالوك انت مش نافع في تعليم أصلا..يا عم روح شوف نفسك الأول.انت احتفالك بأبوك دا عار عليك بتحتفل بنجاح ابوك ازاي وانت في الفشل دا!!

**"والذين جاهدوا فينا لنهدينهم سبلنا"** نعم أجر المجاهدين كفايه حب ربنا .آااه آااه الباب مقفول العبد عاوز يوصل لربنا ومش عارف يوصل ازاي حاولت مع القرآن ولسه مش حاسه ..حاول مع الذكر ولسه مش لاقط..حاول يعبد ربنا في رمضان ومش قادر قلبه يلقط معاه .بيحاول يتبني ومش عارف يطلب علم لسه..يااه لو تعرف وانت واقف بتجاهد على الباب والباب لسه مقفول ..لو شفت فرح ربنا بيك من فوق سبع سماوات لو شفتي اللي ربنا بيرتبهولك من فتوحات عشان مجاهدتك ف سبيله قلبك هيدوب قلبك هيدوب من الآيات اللي بتزلزل القلب. في أول سورة طه سيدنا موسي عليه الصلاة والسلام **"اذ رء ناراً"** وهوا تايه وبيموت من الجوع ومن المتاهه في صحراء سينا **"اذ رء ناراً فقال لأهله امكثوا اني آنست ناراً لعلني آتيكم منها بقبس أو أجد علي النار هدي"** في مفسرين زي مجاهد والزمخشري قالوا **"أو أجد علي النار هدي"** يعني الأقي حد يوصلني لربنا الأقي حد يهديني لربنا الآيه اللي بعدها ياجماعه **"فلما أتاه نودي ياموسي"** بينه وبين النبوه خطوه وبيقول أنا عاوز حد يوصلني لربنا .الآيه اللي بعدها **"وأنا اخترتك"** المجاهده كانت سبب ان ربنا يكلمه..المجاهده (طبعاً بفتح ربنا ) لان دي عطاءات خاصه من الله ولا حرج في فضل الله سبحانه وتعالى .أما أقصد ان ربنا جاب دا بعد ايه؟؟ جاب وأنا اخترتك بعد أو أجد علي النار هدي. المجاهده من أسباب اصطفاء الله للعبد ..من أسباب اختيار الله سبحانه وتعالى للعبد.عشان كذا الواحد بيعجب من مجاهدة الأنبياء حتي بعد ما ماتوا! اما ربنا يقول طه والمفسرين يقولوا معناها طء الأرض بقدميك يامحمد...النبى ماسك حبل وقاعد طول الليل رجليه ورمت فمعادش قادر يقف علي رجليه بقا يشيل رجل يرفعها ويريحها ويقف على التانيه وبعد كذا يبذل بين رجليه ..فربنا بيقوله طء الأرض!! يعني سيدنا محمد جاهد في العباده للدرجه دي! امال احنا نعمل آيه ياجماعه؟! النبي وهو فوق الستين كانت رجليه تتفطر من قيام الليل.امال احنا نعمل ايه ياجماعه؟ شايف سيدنا ابراهيم ومجاهدته **"وقال اني مهاجر الي ربي"** أنا خلاص أنا هقطع الجنسيه بتاعتي أنا معدش ليا وطن ولا قوم أنا هفضل ألف من بلد لبلد أدور علي بلد أعبد فيها ربنا وأعرف أنشر فيها دعوة ربنا.منظر سيدنا ابراهيم وهو بيجاهد في بناء الكعبه ..منظر سيدنا ابراهيم وهو جايب أربع طيور وبيقطعهم ميت حتة وطالع علي سبعين تمانين جبل يحط الحتت عشان يشوف آيه واحده آيه وانت قدامك مليون منظر طبيعي علي انت منتاش عايز تبص ولا عايز تتدبر في خلق الله .عايزين نشوف آيه واحده بس مجاهدة سيدنا داود وهو **"ياجبال أوبي معه"** يقال أوبت الابل اذا صارت من الفجر الي الغروب ..قاعد يجاهد في ذكر ربنا من الفجر للمغرب واحنا مش قادرين نجاهد في الساعه اللي بعد الفجر ف جلسة الضحي!

منظر سيدنا سليمان وهوا ميت ..فضل سنه ميت وساند علي عصايه والجن عمالين بينوا ف المسجد الأقصى مش عارفين ان هو مات يعني معناها ان هو كان بيقعد مسافات طويله بينام علي العصايه والا كانوا خدوا بالهم ان هو واقف بقاله مده كذا ليه..ماهو مش ممكن انسان يعمل كذا ولا حد يسبب انسان يعمل كذا الا لو هما متعودين من سيدنا سليمان علي هذا. المجاهده يا اخواننا ..كنت بقرأ في التفسير من أيام لقيت بعض المفسرين بيقولوا : ان سيدنا صالح أرسل الي ثلاث

أقوام ..الي ثمود والي أصحاب الأيكة والي أصحاب الرس. دا قول من الأقوال يعني واحد يشيل 3 دعوات!!! واحد يشيل 3 بلاد دعوه الي الله!! وربنا بيتكلم عن سيدنا يحيى ويقول **"وحصوراً"** عمل حصار علي نفسه في مجاهدة النفس..ضرب حصار علي نفسه في مجاهدة النفس لما بشوف سيدنا لوط..كنت لسه سبحان الله بتكلم مع زوجتي من يومين في قول الله **"الاعجوزاً في الغابرين"** فبتقولي يعني ايه عجوزاً في الغابرين؟ قتلها يعني ست عجوزه يعني وليه عجوزه ..وفي الغابرين يعني اللي بيسموها بققي خلاص بقت كركوبه في العجز يعني كلمة الغابرين دي معناها انها كبرت لحد ما طعنت في السن ..طيب سيدنا لوط اتجوز ست عجوزه ليه!! واحد داخل يدعوا في قريه وعاوز أهل القريه يستحملوا الدعوه فراح اتجوز واحده ..اي واحده ينفع ان هيا ترضي تتجوز واحد غريب عن البلد ..اتجوز ست كبيره ولما خلف منها بقا في آخر عمرها وعمها بناته كبروا وبقوا شابات كانت هيا بقت ست كبيره طاعنه في السن ومع ذلك صابر عليها وصامد عليها ليه؟..تمن الدعوه مجاهده في الدعوه ..مجاهده ف العباده ..مجاهده في اصلاح النفس مجاهده ياخواننا .. نعم أجر المجاهدين نعم أجر الناس اللي بتجاهد عشان ربنا **"والذين جاهدوا فينا"** فينا ..كلمة فينا دي يعني في ذات الله يعني عشانك يارب يعني مين اللي يستاهل؟! لما الواحد بيشف مجاهدة أهل الباطل عشان الباطل قلبه بيتفتت ..لما بققرأ في القرآن كدا ..كنت بقراً من أيام ف تفسير قول الله **"وكان الكافر علي ربه ظهيراً"** انتوا عارفين ناس مستعديه تعمل مظاهرات وتعمل تمرد.تمرد علي مين؟ علي حاكم الكون علي ربنا اللي خلقهم.. الكفار ياجماعه الناس الضلال العلمانيين عاملين مظاهرات في برنامج التوك شو يتمردوا علي اللي خلقهم ظهيرا: من ضمن المعاني واتخذتموه وراكم ظهريا يعني واحد رمي حاجه ورا ظهره والعياذ بالله ..واحد مش عايز يفكر في الدين أصلاً بيرمي الدين ورا ظهره والعياذ بالله شوف أهل الباطل عملوا ايه عشان الآلهه بتاعتهم؟! شوفي أهل الباطل عملوا ايه عشان العقيده بتاعتهم؟! الناس دي قاتلت ياجماعه **"والذين كفروا يقاتلون في سبيل الطاغوت"** يقاتلون: دا مضارع مستمر بيبدلوا دمهم عشان العقيده بتاعتهم ..الناس دي شغاله ف الدعوه ليل نهار **"أولئك يدعون الي النار"** الناس دي شغاله في الدعوه ياجماعه الناس دي عندها شريعة وعندها أحكام متمسكه بيها **"قالوا يا شعيب أصلاتك تأمرك أن نترك ما يعبد آباؤنا أو أن نفعل في أموالنا ما نشاء"** الناس دي عندها قواعد..عندها قوانين ..أهل جاهليه وعندهم شريعة بيتحاكموا اليها . الناس دي ياجماعه تعبت عشان الباطل. سورة يس ربنا بيقول **"واتخذوا من دون الله آلهة لعلهم ينصرون لا يستطيعون نصرهم وهم لهم جند محضرون"** يعني أهل الباطل جند عندهم جنديه مع الآلهه بتاعتهم عندهم جنديه مع العقيده بتاعتهم **"هل اتاك حديث الجنود"** عندهم جنديه ..مين فينا عنده الجنديه دي؟ مين فينا عنده المجاهده دي؟ ربنا بيقول **"يقول أهلكت مالا لبداً"** يعني بيصرفوا رزم علي رزم عشان يحاربوا الدين ..واحد منهم قلعت السلسله بتاعتها وصرفتها علي حرب الدين **"في جيدها حبل من مسد"** **"انهم يكيدون كيداً"** **"بل مكر الليل والنهار"** الناس دي مبتماش ياجماعه الناس دي لا تنام الناس دي بتصبر وبتثبت **"وانطلق الملام منهم أن امشوا واصبروا علي آهتكم"** اصبروا واستحملوا واتعبوا ..الناس دي بتتعب وبتستحمل ..الناس دي عندها مفاصله **"نخرجكم من أرضنا أو لتعودن في ملتنا"** الناس دي بتفصل الناس دي بتاخذ قرارات وعندها مفاصله ومش مستعده تتعايش مع عقيده غي العقيده بتاعتها الناس دي بتتعب وبتبذل .احنا مبتتعبش عشان ديننا ليه؟! مين اللي يستاهل التعب **"والذين جاهدوا فينا"** عجت من جلد المنافق وعجز الثقة اما بشوف العلمانيين أقل علماني عامل جريده ..عامله جمعيه تنصر العلمانيه منها عامل مكتبه ينشر العلماني هو يخرج أجيال علمانيه منها ..عامل برنامج توك شو عامل صحيفه وتبص للنتيار الاسلامي فين ياخواننا؟! فين مجاهدة الملتزمين عشان الدين بتاعهم **"والذين جاهدوا فينا"** فينا ..مين اللي يستاهل؟ مين اللي يستاهل عمرك؟ مين اللي يستاهل حياتك؟ كل الأبواب أبواب مزيفه أبواب متوصلش لحاجه ..وهم مفيش الا باب واحد باب الحقيقه باب ربنا سبحانه وتعال هو دا

اللي يستاهل عمرك هو ادا اللي يستاهل تعبك **"لنهدينهم سبلنا"** يعني آيه لنهدينهم ؟ هداية التوفيق . يعني ايه هداية التوفيق؟ يعني ياجماعه انت لو وقفت أي واحد ف الشارع أي شاب .. هو أنا ممكن أوصل لربنا ازاي ؟ هيقولك بص بقا انت توصل لربنا بالقرآن وبالعباده برده والصلاه برده حلوه وجميله ولو رحمت عملت عمره هتفرق معاك قوووي وحد بالك بقا رمضان لو انت صليت فيه وعملت كل حاجه ..الله! طيب ماهي دي طرق الوصول الي الله

امال آيه لنهدينهم ؟ هداية التوفيق ان ربنا يوفك ان ربنا يوفك **"لنهدينهم سبلنا"** السبل بالجمع ليه؟ لان السبل اللي بتوصل لربنا كثير ..عشان ربنا يقول ان محدش له حجه محدش يجي يقول أنا معرفتش أوصل لربنا..لو كان ربنا مبيرضيهوش غير حاجه معينه لكان فيه ناس كثير قووي ماعرفتش توصل لربنا .عشان كدا ياجماعه كلمة سبلنا دي كلمه خطيره قووي .كلمه ضربت كل أنواع الخلق .ازاي؟ ربنا بيقول سبحانه وتعالى في آيه خطيره جداً **"ثم أورثنا الكتاب الذين اصطفينا من عبادنا فمنهم ظالم لنفسه"** واحد ضايح بعيد عن الله **"ومنهم مقتصد"** يعني نص نص **"ومنهم سابق بالخيرات باذن الله"** واحد منطلق اهو هو سبلنا دي جابت ال3 أنواع الظالم لنفسه يعني اللي جه رمضان ومرضاش يعبد ربنا فيه ولا صام ..ربنا قاله طيب حد بقا عشر ذو الحجه عشان تتوب ليا .مرضاش بعشر ذو الحجه طيب خد بقا عاشوره ومحرم طيب مرضاش ..المواسم مش هتخلص من خير لخير عشان ميبقاش حد له حجه مقتصد اللي هو اعاوز حاجه على القد يعني أنا ورايا دنيا وورايا معاش ومش عايز اضحي عشان الدين ربنا بيرضيه حاجات كثير قوي لو كان ربنا ميرضيهوش غير الصدقه كان الفقير معرفش يرضي ربنا ..لو كان ربنا ميرضيهوش غير الجهاد كان الضعيف معرفش يرضي ربنا ..لبو كان ربنا ميرضيهوش غير الصيام كان المريض معرفش يرضي ربنا لو كان ربنا ميرضيهوش غير القيام كان اللي شغال طول النهار معرفش يرضي ربنا ..يبقي سبلنا عشان اللي عايز حاجه واحده يرضي بها ربنا يلاقي .سابق بالخيرات بقا اللي شهيته مفتوحه للدين اعمل ايه بقا ؟ اقعدي صلي الضحي قعد ولسه عنده طاقه .قم الليل قام ولسه عنده طاقه .صوم اتنين وخميس..لسه عندي طاقه اقرأ ورد قرآن ..لسه عندي طاقه .احضر دروس ايمانيه..لسه عندي طاقه .اشتغل في الدعوه الي الله ..لسه عندي طاقه .اعمل صنائع معروف وأوصل لاسر فقيره ..لسه عندي طاقه .يبقي كلمة سبلنا دي كلمه واسعه وكلمه كبيره وكلمه ربنا فتح بيها الابواب للجميع **"لنهدينهم سبلنا"** ..يعني بالتعبير العملي بتاعنا ياجماعه بالتعبير اللي احنا اعاوزين نطبق فيه اللي احنا بنسميها سنه أولي التزام (الابواب الموصلة الي الله) ايه فكرة سنه أولي التزام؟؟ البرنامج التربوي اللي احنا بنحاول نعمله اللي المعهد القرآني كله جزء منه يعني أنا وكل اللي بيدوا معايا من الفريق التربوي في المعهد القرآني الدعوي كنت لسه بقولهم من يومين بقولهم احنا كلنا بنحاول نوصل المعهد القرآني ربع سنه أولي التزام سنه أولي التزام دي الطرق الموصلة الي الله .التدبر..المقابر..القرآن والارتباط الحقيقي بالقرآن ..مواسم العباده ..العمره ...صنائع المعروف ..العلم وطلب العلم ..الجولات والدعوه الي الله يبقي دي اسمها آيه؟ اسمها الطرق الموصلة الي الله **"لنهدينهم سبلنا وان الله لمع المحسنين"** معية ربنا مذكوره في القرآن **"الا هو معهم"** في سورة المجادلة قالك في فرق كبير قووي بين المعيتين معية العلم والاحاطه اللي هيا المعية العامه وبين معية النصره والحفظ والحمايه والفتح والمدد وغير معية الولايه .هيا دي معية الولايه والنصره والحفظ والمدد هنا **"وان الله لمع المحسنين"** يعني ايه المحسنين ؟ اي المنشغلين بالحسنات اي المنشغلين في تحصيل الحسنات ..المنشغلين بالاعمال الصالحه اللي حياته كلها انشغال ازاي يحسن في طاعة ربنا وازاي يملا حياته بالحسنات؟ قضيه كبيره قووي ياجماعه قضية اخر آيه ف سورة العنكبوت .اخر آيه واحنا بنختم السلسله اللي أنا شايف انها خطيره واللي أنا شايف ان كل ملتزم داخل الانتزام وهو بيحط برجليه كدا وكل ملتزمه وهيا بتحطي برجليها في طريق الدين لازم يدرسوا سورة العنكبوت لازم يتصلعوا من فهم العنكبوت والارتباط بسورة العنكبوت السوره اللي احنا عشنا معاها بقالنا شهور بفضل ومنة الله تعالى من

أول ما بدأنا سنة تانيه فى المعهد القرآني الدعوي واحنا بندرس المادة دي فى مادة الليالي القرآنية دفعة أولي وتانيه واحنا بنتكلم عن موسوعة مشاكل الملتزمين والملتزمات قد آيه الواحد وهو طالب كان بيضيع منه شهور وسنين عشان مشاكل مش عارف يحلها اعمل آيه مع والدتي؟ طيب الوقت والدتي بتقولى محضرش دروس دي مشاكلي أنا المشاكل اللي أنا كلمتكو عنها فى سورة العنكبوت ياجماعه الواحد اكتشف بعد سنين ان ربنا حالهالنا فى القرآن وان كان توهة كثير من الملتزمين ان احنا مش مرتبطين بالقرآن موسوعة خطوه أولي التزام ..موسوعة مشاكل الملتزمين والملتزمات الواحد كان يقول طيب والذي مش عايزني احضر دروس احضر ولا محضرش؟ طيب والدتي مش عاوزاني اصاحب فلان وفلان دا مهم ليا فى ديني ..مش عاوزاني اروح للشيخ مثلا اللي أنا بتربي على ايديه اعمل ولا معملش؟ طيب أجمع بين الدراسة والدين ازاي؟ اجمع بين حفظ القرآن والدعوة ازاي؟ طيب اتعلم الدعوة ازاي؟ طيب الواقع مليان فتن ومليان ضغوط وتشويه اعلامي والناس دي مين الصح ومين الغلط؟ مشاكل وفتن وشبهات وضغوط نفسه جباره .طيب اصحابي اللي واقفين عاوزين يرجعوك بأي طريقه بعد ما التزمت .يرجعوك بالسخرية ماشي يرجعوك بالاغراءات ماشي يرجعوك بالضغط النفسي عليك ماشي يرجعوك بانهم يلعبوا فى الطريق ماشي طيب اعمل آيه؟ ضغوط رهيبه وتهديدات واللي هيمشي فى الطريق ده يحصل له مشاكل ولحيتي تطلع ..يقولوا شكلك بقا وحش كدا ليه؟ الشعر اللي فى النحية دي من الوش اكر من الشعر اللي فى النحية دي ..شكلك بقا يضحك كدا ليه؟؟ ضغوط علي ضغوط ..احنا تآهين ليه؟ وربنا مدينا طوق النجاه ..ربنا مدينا الطوق العظيم بتاع النجاه اللي هوا سورة العنكبوت يا اخواننا اللي هيا موسوعة الملتزمين والملتزمات عشنا معاها الشهور اللي فاتت بفضل ومنة الله انهارده بنحاول نتصلع فى الادوار الآيه الاخيره الآيه اللي أنا سامع صوتها جاي من السما وربنا بيقولنا اصبروا أنا ههديكوا أنا هوفقكوا أنا مش هسيبكوا أنا هكون معاكوا بس متأثروش باللي طلعا يجروا من الطريق وهربوا وسابوه متخافوش من الحرايق والفتن والعوائق اللي ماليه الطريق ..اقلوا ودنكم عن اللي واقفين يصرخوا فيكم ويقولولكم هتضيعوا شبابكم ..متضيعوش متعة الدنيا ..تمشوش فى الطريق اللي كله تهديدات ..أهل الباطل مش هيسيبوكم أهل الباطل بيتوحشوا على اللي ماشيين فى الطريق دا ..تمشوش وانتوا عارفين انكوا ممكن تسيبوا متعة الدنيا ..سيبوا الطريق زي ما احنا سبناه أو عوا تتأثروا الناس اللي تسحف لربنا فى وسط الواقع الرهيب وكمان عاوزه توصل ومش عارفه تعمل ايه ف وسط الواقع الرهيب دا يجي الصوت من السماء **"والذين**

**جاهدوا فينا لنهدينهم سبلنا"** جاهدوا : المعركة العظمي .فينا : المقصد الاعظم .لنهدينهم سبلنا :

البشري العظمي .وان الله لمع المحسنين العزاء الاعظم

آيه عظيمه آيه كلها نور آيه بتقولك أوعي فى يوم من الايام تسيبي المجاهده أوعي فى يوم من الايام تسيب المجاهده ..أو عوا ياجماعه تركنوا ..أو عي تبقي ملتزمه بس ماشيه بقوة الدفع بتاع فترة الالتزام الأولي لازم لحد ماتموت ياجماعه كلنا أنا وانتم وشيوخنا وطلبتنا واخواننا لازم تبقي قضية عمرنا حتي النهايه..ازاي نخشع فى الصلاه ؟ ازاي ايماننا يزيد ؟ ازاي نحس بالقرآن؟ ازاي نوصل لربنا سبحانه وتعالى

### الوصايا بتاعتي

أول حاجه اتعب اتعبى اتعبوا عشان ربنا ياجماعه ..حافظوا علي احلامكم حافظوا على الطموحات اللي انتوا حلمتوا بيها للدين ولشغلك فى الدعوه وان ربنا يستعملك فى يوم من الايام أو عوا تخسروا الاحلام دي وفى وسط الطريق الصعب دا تشبثوا بالاحلام ..اتعبوا محدش هيوصل لربنا من غير مايتعب من غير مايضحي من غير مايكافح هوا دا الطريق وهوا دا كان مقصد اختيار سورة العنكبوت بالذات ان احنا نوصل لمفهوم ان محدش بيوصل بالساهل وان اللي عاوزين يوصلوا بالساهل هما احرار انما مش هنبقي احنا النموذج دا اتعبوا صح يا جماعه



لو أنا دلوقت فتحت الشباك فالهوا دخل قام مطير كل الورق اللي كان على المكتب فالورق طير في كل حته وأنا قاعد اجري الم الورقه دي من هنا واجيب الورقه دي وانزل تحت الكرسي اجيب الورقه دي بعد ساعه اكتشفت ان أنا لو كنت جاهدت ان أنا ادفع الشباك ضد الهوا واقفله كنت ريحت نفسي من المجهود ده

يبقي أنا المفروض اتعب بس مع الطريق الصبح اتعبوا مع القرآن اتعبوا مع الترييه اتعبوا مع الحاجات اللي هتوصلكوا لربنا اتعبوا وجاهدوا عشان توصلوا للصحبه الصالحه خليكوا جاهزين للحظه الفتح أو عوا تفضلوا على الباب ولما يجي يتفتح تزهقوا وتدوه ضهركوا وتمشوا تمشي وتيأسي والباب يتفتح مش يلاقك قدامه بعد ما فضلت فتره واقف مستنيه يتفتح خليكوا جاهزين لما النبي صل الله عليه وسلم كلم الصحابي عن الجنه عكاشه بن محصن قال أنا يا رسول الله ادعو الله ان يجعلني منهم اللي هما السبعين الف اللي بيدخلوا الجنه بلا حساب ولا عذاب كان جاهز الصحابي الثاني قال وأنا يا رسول الله قال سبقك بها عكاشه كان جاهز للحظه الفتح خليكوا جاهزين عشان لما الفتح يجي لما فتح الهدايه يجي لما فتح المعيه يتنزل يبقي احنا جاهزين لفتح ربنا

كدا بفضل الله تعالي خلصنا سورة العنكبوت

تم بحمد الله

شاهدوا الدرس للنشر على النت في قسم تفريغ الدروس في منتديات الطريق إلى الله وتفضلوا هنا:

<http://forums.way2allah.com/forumdisplay.php?f=36>